

ՊԵՏԲՅՈՒՋԵ

ԸՆԴՈՒՆՎԵՑ ՍՈՑԻԱԼԱԿԱՆ ՈՒ ՏՆՏԵՍԱԿԱՆ
ԶԱՐԳԱՑՄԱՆ ԱՌԱՋՆԱՅԵՐԹՈՒԹՅՈՒՆՆԵՐԸ
ԿԱՐԳԱՎՈՐՈՂ ԲՅՈՒՋԵ

2020 ԹՎԱԿԱՆԻ ԲՅՈՒՋԵՆ ՀԱՍՍՎ ՌԵԿՈՐԴՅՈՒՆ ՅՈՒՆԱՆԻՇԻ՝ ՄՈՏ 14,5 ՄԻԼԻԱՐԴ ԼԱՐԻԻ



Դեկտեմբերի 10-ին Վրաստանի խորհրդարանը՝ 83 կողմ եւ 1 դեմ ձայներով, ընդունեց 2020 թվականի պետական բյուջեի նորացված նախագիծը:

Ինչպես նշվեց բյուջեի նախագծի ներկայացման մեջ, 2020 թվականի 14 միլիարդ 432,9 միլիոն լարիի հասնող բյուջեն նախատեսում է ինչպես սոցիալական ոլորտի, այնպես էլ՝ տն- (Շարունակությունը՝ 2-րդ էջում)

ՎՐԱՍՏԱՆ - ՈՒԿՐԱԻՆԱ

ՔՆՆԱՐԿՎԵՑԻՆ ԵՐԿԿՈՐՄ ՋԱՄԱԳՈՐԾԱԿՑՈՒԹՅԱՆ
ԽՈՐԱՑՄԱՆ ԱՌԱՋՎՈՐ ԶԱՐՑԵՐ

Դեկտեմբերի 12-13-ը Վրաստանի վարչապետ Գիորգի Գախարիան երկօրյա պաշտոնական այցով գտնվում էր Ուկրաինայում:

Այցի շրջանակներում, Վրաստանի կառավարության ղեկավարը մասնակցեց Կիևում անցկացվող ժողովրդավարության եւ տնտեսական զարգացման կազմակերպության (ՎՈՒԱՍ) համաժողովին: Վրաստանի Ուկրաինայի, Ադրբեջանի եւ Մոլդովայի ղեկավարների հետ, ստորագրեց համագործակցության խորացմանն ուղղված մի շարք փաստաթղթեր:

Ուկրաինա պաշտոնական այցի շրջանակներում, Վրաստանի կառավարության ղեկավարը հանդիպումներ ունեցավ Ուկրաինայի նախագահ Վլադիմիր Զելենսկու, վարչապետ Ալեքսի Գոնչարուկի եւ Գերագույն ռադայի նախագահ Դմիտրի Ռազունկովի հետ: Հանդիպումների արդյունքներով, ստորագրվեց վրաց-ուկրաինական ռազմավարական համագործակցության խմբի ստեղծման մասին համաձայնագիր: Վրաստանի պատվիրակու-

թյան կազմում են արտաքին գործերի նախարար Դավիթ Ջալալիանին եւ միջազգային հարաբերությունների հարցերով վարչապետի խորհրդական Իրակլի Զիքովանին:



թյան կազմում են արտաքին գործերի նախարար Դավիթ Ջալալիանին եւ միջազգային հարաբերությունների հարցերով վարչապետի խորհրդական Իրակլի Զիքովանին:

ԴԵԿՏԵՄԲԵՐԻ 10-Ը՝ ՄԱՐԴՈՒ ԻՐԱՎՈՒՆՔՆԵՐԻ ՊԱՇՏՊԱՆՈՒԹՅԱՆ ՕՐ

ՔԵԹԵՎԱՆ ՑԻԽԵԼԱՇՎԻԼԻ. «ՓՇԱԼԱՐԵՐԻՅՈՒՆ ԱՅՆ ԿՈՐՄ
ՄԱՐԴՈՒ ԻՐԱՎՈՒՆՔՆԵՐԸ ԱՐԺԵՔ ԶԵՆ ՆԵՐԿԱՅԱՅՆՈՒՄ»



Հանդուրժողականության եւ մարդու իրավունքների պաշտպանության օրվա առիթով, Վրաստանի հաշտեցման եւ քաղաքացիական իրավահավասարության հարցերով պետնախարար Քեթեվան Ցիխելաշվիլու նախաձեռնությամբ, անցկացվեց միջոցառում, որին ներկա էին եւ ելույթ ունեցան Վրաստանում ԱՄՆ-ի միջազգային զարգացման գործակալության ղեկավար Պիտեր Վիլերը, եվրախորհրդի գրասենյակի ղեկավար Կրիստիան Ուրսենը:

Ինչպես նշեց Վրաստանի պետնախարարը, երկրի առջեւ ծառացած անենազխավոր մարտահրավերը այն է, որ Վրաստանում մարդու իրավունքները

ը ռուսական բռնազավթմամբ սահմանափակ աշխարհագրություն ունեն:

(Շարունակությունը՝ 5-րդ էջում)

ՎՐԱՍՏԱՆ - ՀԱՅԱՍՏԱՆ

ՀԱՅ-ՎՐԱՑԱԿԱՆ ԻՐԱՎԱԿԱՆ ԵՐՐՈՐԴ ԶԱՄԱԺՈՐՈՎԸ ԵՐԵՎԱՆՈՒՄ

Դեկտեմբերի 9-ին Երեւանում անցավ Հայ-վրացական իրավական համագործակցության երրորդ համաժողովը:

Համաժողովի աշխատանքին մասնակցում էին Վրաստանի փոխվարչապետ, արդարադատության նախարար Թեա Ծուլուկիանին, Հայաստանի փոխվարչապետ Տիգրան Ավինյանը, Հայաստանի արդարադատության նախարար Ռուստամ Բադալյանը, Հայաստանում

ՄԱԿ-ի Ջարգացման ծրագրի մշտական ներկայացուցիչ Դմիտրի Մարիյասինը, Եվրամիության պատվիրակության Համագործակցության բաժնի ղեկավար Գոնասա Սեռանո Դե Լա Ռո-



(Շարունակությունը՝ 4-րդ էջում)

ՊԱՏՄԱԿԱՆ ՃԱՆԱՉՈՒՄ

ԱՄՆ ՍԵՆԱՏՆ ԸՆԴՈՒՆԵՅ ՀԱՅՈՑ
ՅԵՂԱՍՊԱՆՈՒԹՅԱՆ ՃԱՆԱՉՄԱՆ ԲԱՆԱՉԵՎԸ

Դեկտեմբերի 12-ին ԱՄՆ Սենատը միաձայն ընդունեց Հայոց ցեղասպանությունը ճանաչող եւ դատապարտող բանաձեւը:

Սենատորներ Ռոբերտ Մենենդեսի (դեմոկրատ, Նյու Ջերսի) եւ Թեդ Զրուզի (հանրապետական, Տեխաս) հեղինակած թիվ 150 բանաձեւի ընդունումը հաջորդեց Ներկայացուցիչների պալատի թիվ 296 բանաձեւի ընդունմանը: Այն՝ 405 կողմ, 11 դեմ ձայներով, ընդունվել էր հոկտեմբերին:

Վերջին շրջանում բանաձեւը Սենատի օրակարգ բերելը երեք անգամ արգելափակվել էր սենատորների վետոյի իրավունքով: Քեյ-Լին Քրամերը, Դեյվիդ Փերդյուն, Լինսի Գրահամը թույլ չէին տվել, որ բանաձեւն ընդգրկվի Սենատի օրակարգում:

Դեկտեմբերի 12-ի հստակ դիրքորոշմամբ, ԱՄՆ Սենատն առա-



ջին անգամ ճանաչեց ու դատապարտեց 20-րդ դարասկզբին մարդկության դեմ գործված մեծագույն ոճիրը:

Այժմ ԱՄՆ Ներկայացուցիչների պալատի եւ Սենատի կողմից ընդունված բանաձեւերը կներկայացվեն ԱՄՆ նախագահի ստորագրությանը, որից հետո դրանք կստանան օրենքի ուժ:

ԵՐԱՆՏԱԳԻՏՈՒԹՅՈՒՆ
ԱՇԽԱՐՀԱՍՓՅՈՒՌ ԶԱՅԵՐԻ ԿՈՂՄԻՑ

Հայաստանի վարչապետ Նիկոլ Փաշինյանը, հիրավի, պատմական իրադարձություն է համարել ԱՄՆ Սենատի կողմից Հայոց ցեղասպանության ճանաչման եւ դատապարտման բանաձեւի ընդունումը: Նա Թվիթերի իր միկրոբլոգում ԱՄՆ օրենսդիրների այդ քայլը համարել է հարգանքի տուրք 20-րդ դարի առաջին Ցեղասպանության 1,5 միլիոն զոհերի հիշատակին եւ մեծ քայլ՝ կանխարգելման օրակարգի ամրապնդման ուղղությամբ:

- ԱՄՆ Սենատի թիվ 150 բանաձեւն արդարության եւ ճշմարտության հաղթանակն է: Աշխարհասփյուռ հայերի անունից հայտնում են մեր երախտիքը Սենատի այս նշանակալի որոշման համար,- նշեց Հայաստանի վարչապետը՝ օգտագործելով «Այլեւս երբեք» հեշթեգը (#NeverAgain):

ԴԵԿՏԵՄԲԵՐԻ 7-Ը՝ ՄՊԻՏԱԿԻ ԵՐԿՐԱՇԱՐԺԻ
ՋՈՂԵՐԻ ՀԻՇԱՏԱԿԻ ՕՐ

ՀԱՆՅՈՒՆԻԿ ԹԹՉՈՒՆ...

31 տարիների վաղեմություն ունեցող կործանիչ երկրաշարժը լուրջ մարտահրավեր էր Հայաստանի համար: Այն ընդգրկեց երկրի գրեթե 40 տոկոս տարածքը:

Պատվելով աղետալի երկրաշարժի անմեղ զոհերի հիշատակը՝ Հայաստանի վարչապետ Նիկոլ Փաշինյանը այցելեց Սպիտակ:

Հայաստանի վարչապետը, պաշտոնատար անձինք ծաղիկներ խոնարհեցին երկրաշարժի զոհերի հիշատակը հավերժացնող հուշարձանի մոտ: Հայաստանի վարչապետը ծաղիկներ խոնարհեց նաեւ ճապոնիայի երկրաշարժի զոհերի հիշատակը հավերժացնող հուշակոթողին, Ապրիլյան պատերազմում զոհվածների հիշատակի խաչքարին:



(Շարունակությունը՝ 7-րդ էջում)

ՎԻՐԱՀԱՅՈՒԹՅԱՆ ՀԱՐԳԱՆՔԻ ՏՈՒՐՔԸ՝
ԵՐԿՐԱՇԱՐԺԻ ՉՈՂԵՐԻ ՀԻՇԱՏԱԿԻՆ

Դեկտեմբերի 7-ին Վիրահայոց թեմի եկեղեցիներում կատարվեցին ոգեկոչման արարողություններ: Թբիլիսիի Սուրբ Էջմիածնի եկեղեցում հոգեհանգստյան կարգը կատարեց հոգեւոր հովիվ Տեր Սամվել քահանա Թորոսյանը:

Ներկաները, որոնց թվում էին Վրաստանի խորհրդարանի պատգամավոր Ռուսլան Պողոսյանը, Թբիլիսիի Պ.Աղամյանի անվան պետական հայկական դրամատիկական թատրոնի գեղարվեստական ղեկավար Արմեն Բայանդուրյանը, «Վրաստան» թերթի խմբագիր Վան Բայբուրյանը, իրենց հարգանքի տուրքը մատուցեցին եւ աղոթեցին երկրաշարժի անմեղ զոհերի հոգու հանգստության համար:

Հոգեւոր արարողությանը հաջորդեց «Հայարտուն» կենտրոնում ցուցադրված «Երկրաշարժ» ֆիլմը:

ԵՎՐԱՒՆՏԵԳՐՈՒՄ

«ԵՎՐԱՆԵՍԹ» ԽՈՐՀՐԴԱՐԱՆԱԿԱՆ ՎԵՋԱԺՈՂՈՎ ԹԲԻԼԻՍԻՈՒՄ

Դեկտեմբերի 9-ին Թբիլիսիում աշխատանքն սկսեց «Եվրանեսթ» Խորհրդարանական վեհաժողովի ութերորդ նստաշրջանը:

Նստաշրջանը աշխատանքային երեք օրվա ընթացքում քննարկումներ անցկացրեց էներգամատակարարության, Արեւելյան գործընկերության ապագայի հետ կապված հայացքների եւ աշխարհաքաղաքական մարտահրավերների, ինչպես նաեւ Եվրամիության ու Արեւելյան գործընկերության երկրների միջեւ համագործակցության տարբեր արդիական հարցերի հետ:

Նստաշրջանը բացեց Վրաստանի խորհրդարանի նախագահ Արչիլ Թալակվաձեն: Մասնակիցներին խոսքով դիմեցին նաեւ Վրաստանի նախագահ Սալոմե Ջուրաբիշվիլին, Եվրախորհրդարանի փոխնախագահ Կլարա Դոբրելը, «Եվրոնեսթի» Խորհրդարանական վեհաժողովի համանախագահներ, Եվրախորհրդարանի անդամներ Անդրիուս Կուրբիլիուսը եւ Իվան Կրուկոն:

Վեհաժողովը տնտեսական ինտեգրման, սոցիալ-քաղաքական եւ էներգա-

անվտանգության հարցերով բանաձեւ ընդունեց:


Խորհրդարանական վեհաժողովի աշխատանքին մասնակցեցին Եվրախորհրդարանի եւ Արեւելյան գործընկերության երկրների խորհրդարանների անդամներ: «Եվրանեսթ» Խորհրդարանական վեհաժողովում Զայաստանի Ազգային ժողովի պատվիրակության ղեկավար, Աժ պատգամավոր Գայանե Աբրահամյանը, պատվիրակության անդամներ, Աժ նախագահի տեղակալ Վահե Էնֆիաջյանը, Աժ եվրոպական ինտեգրման հարցերի մշտական հանձնաժողովի նախագահ Արման Եղոյանը, Աժ առողջապահության եւ սոցիալական հարցերի մշ-



տական հանձնաժողովի նախագահի տեղակալ Զեյնեթա Տիգրանյանը, Աժ պատգամավորներ Սարգիս Խանդանյանը, Կորյուն Մկրտչյանը, Նարեկ Մկրտչյանը, Միքայել Ջուլյանը, Նորա Առուստամյանը, Տարոն Սիմոնյանը:

«Եվրանեսթ» Խորհրդարանական վեհաժողովի շրջանակներում, Վրաստանի խորհրդարանի խոսնակ Արչիլ Թալակվաձեն հանդիպում ունեցավ Զայաստանի, Ուկրաինայի եւ Մոլդովայի պատվիրակությունների ղեկավարների հետ:

ԱՐԵՎԻԿԱ ՄԱՆՈՒԿՅԱՆ



**ՖՐԱՆՍԻԱ
ՀԱՆԴԻՊՈՒՄ «ՆՈՐՄԱՆԴԱԿԱՆ
ՔԱՌՅԱԿ» ՇՐՋԱՆԱԿՆԵՐՈՒՄ**

Եռամյա ընդմիջումից հետո, դեկտեմբերի 9-ին Փարիզում կայացավ «Նորմանդական քառյակի» հանդիպումը, որին մասնակցեցին Ֆրանսիայի նախագահ Էմանուել Մակրոնը, Գերմանիայի կանցլեր Անգելա Մերկելը, Ռուսաստանի նախագահ Վլադիմիր Պուտինը եւ Ուկրաինայի նախագահ Վլադիմիր Զելենսկին:

Հանդիպման արդյունքներով, ընդունվել է պաշտոնական հաղորդագրություն, որտեղ կողմերը հավանություն են տվել Դոնբասի երեք նոր հատվածում մինչեւ 2020 թվականի մարտի վերջն ուժերի հեռացման պլանին: Պայմանավորվել են հավանություն տալ Դոնբասում 30 օրվա ընթացքում նոր անցակետերի բացման շուրջ շփման խմբի համաձայնություններին, մինչեւ 2019 թվականի վերջ ռազմագերիների փոխանակման հարցին:

Ընդհանուր առմամբ, բանակցությունները տեւել են 5,5 ժամ, որից 1,5 ժամը հատկացվել է ուկրաինացի իր պաշտոնակից Վլադիմիր Զելենսկու հետ Պուտինի հանդիպմանը:

**ՄԵԾ ԲՐԻՏԱՆԻԱ
ՊԱՅՊԱՆՈՒԿԱԿԱՆՆԵՐԸ ՍՏԱՑԱՆ
Brexit-Ը ԱՆՑԿԱՑՆԵԼՈՒ ՄԱՆԴԱՏ**

Ինչպես արդեն հաղորդել ենք, Մեծ Բրիտանիայում դեկտեմբերի 8-ին անցկացվեցին արտահերթ խորհրդարանական ընտրություններ: Նախնական տվյալներով, վարչապետ Բորիս Ջոնսոնի գլխավորած Պահպանողական կուսակցությունը խորհրդարանի 650 տեղերից տնօրինելու է 365-ը, ինչը 32-ով գերազանցում է 2017 թվականի ունեցածին: Ընդդիմադիր Լեյբորիստական կուսակցությունն ստացել է 153 մանդատ՝ 43-ով պակաս, քան երկու տարի առաջ ուներ: Այսպիսով, Պահպանողական կուսակցությունը Brexit-ն իրականացնելու մանդատ ստացավ:

- Սրանք պատմական ընտրություններ են, որոնք մեզ հնարավորություն են տալիս իրագործել բրիտանական ժողովրդի կամքը, բարեփոխել այս երկիրը, եւ դա մենք կսկսենք անել վաղը,- հայտարարեց վարչապետ Բորիս Ջոնսոնը:

**ՌՈՒՍԱՍՏԱՆ-ԱՄՆ
ՓՈԽԸՄԲՈՆՄԱՆ ՄԹՆՈՒՐՏՈՒՄ
ԱՆՑԿԱՑՎԱԾ ՀԱՆԴԻՊՈՒՄ
ՄՊԻՏԱԿ ՏԱՆԸ**

Դեկտեմբերի 11-ին ԱՄՆ նախագահ Դոլալ Թրամփը Սպիտակ տանը հանդիպում ունեցավ, աշխատանքային այցով ԱՄՆ-ում գտնվող, Ռուսաստանի արտաքին գործերի նախարար Սերգեյ Լավրովի հետ:

Ինչպես հանդիպման ավարտից հետո հայտարարեց Ռուսաստանի ԱԳ նախարարը, հանդիպումն անցավ փոխըմբռնման մթնոլորտում, կողմերը քննարկեցին մի շարք հանգուցային խնդիրներ:

- Մենք հասկանում ենք ԱՄՆ-ի ներքին քաղաքականությունը, բայց երկուստեք շահագործություն կա աշխատելու այն ոլորտներում, որտեղ մենք կարող ենք արդյունքների հասնել,- նշեց նախարարը:

Լավրովի խոսքով, Ռուսաստանը ԱՄՆ-ին առաջարկել է Ռազմավարական հարձակողական սպառնալուծությունների մասին համաձայնագրի երկարացման «ցանկացած տարբերակ»: Բացի այդ, Լավրովը ԱՄՆ նախագահի հետ քննարկել է Պարսից ծոցում ճգնաժամի խորացումն թույլ չտալուն ուղղված քայլերը, Թեհրանի հետ գործարքից Վաշինգտոնի դուրս գալու պատճառով առաջացած խնդիրները եւ Հյուսիսսային Կորեայի դեմ պատժամիջոցների խնդիրը:

ԽՈՐՀՐԴԱՐԱՆ

ԳԵՐԱԳՈՒՅՆ ԴԱՏԱՐԱՆԻ ԱՆԺԱՄԿԵՏ ԴԱՏԱՎՈՐՆԵՐԻ
ՀԱՍՏԱՏՈՒՄԸ՝ ԴԻՄԱԿԱՅՈՒԹՅԱՆ ՖՈՆԻ ՎՐԱ

Ինչպես արդեն հաղորդել ենք, Վրաստանի խորհրդարանի կոմիտեներում անցկացվել էին Գերագույն դատարանի անժամկետ դատավորների ներկայացման կարգը, որի ընթացքում պատգամավորներին վերապահվել էր թեկնածուներին իրենց հետաքրքրող հարցերն առաջադրելու հնարավորություն:

Այն ժամանակ կոմիտեական լսումներով անցավ անժամկետ դատավորի 20 թեկնածու, այդ թվում՝ Վրաստանի ներկայիս գլխավոր դատախազը, բողոքարկիչ դատարանի նախագահը:

Դեկտեմբերի 12-ին Վրաստանի խորհրդարանի իրավական հարցերի կոմիտեում տեղի ունեցավ դատավորների թեկնածուներին հաստատման համար երաշխավորությունների հանձնումը: Կոմիտեի անդամ պատգամավորները քվեարկությամբ, խորհրդարանի լիազումար միատի հաստատման համար, երաշխավորություն տվեցին ներկայացված

20 թեկնածուներից 14-ին:

Նույն օրը Վրաստանի խորհրդարանը իր լիազումար միատուում հաստատեց կոմիտեի երաշխավորությամբ ներկայացված անժամկետ դատավորների թեկնածուներին: Նրանք երդմամբ ստանձնեցին պարտավորությունները:

Նշենք, որ ինչպես խորհրդարանական կոմիտեում, այնպես էլ՝ օրենսդիր մարմնի լիազումար միատուում Գերագույն դատարանի անժամկետ դատավորների թեկնածուների հաստատման կարգն ընթացավ ընդդիմադիր պատգամավորների ակտիվ բողոքարկման պայմաններում: Իրավիճակի լարվածու-

թյունը թուլացնելու նպատակով, խորհրդարանի նախագահը մի քանի անգամ հայտարարեց տեխնիկական ընդմիջում: Իրավիճակի լարվածությանը նպաստեց նաեւ անհայտ անձի կողմից խորհրդարանի դահլիճ մարդու առողջության համար հակացուցված անհայտ հեղուկի ներբերումը, որի պատճառով օրենսդիր մարմնի աշխատանքն ընդհատվեց, պատգամավորները հեռացան դահլիճից: Վրաստանի ներքին գործերի նախարարությունը խորհրդարանի միստերի դահլիճում գտնված անհայտ հեղուկի դեպքով հարուցել է քրեական գործ:

Դեկտեմբերի 13-ին, խորհրդարանի լիազումար միատուում դարբերեցվեցին «Միասնական ազգային շարժում» ընդդիմադիր կուսակցության առաջնորդներից մեկի՝ Նիկա Մելիայի պատգամավորական լի-

ազորությունները:

Մելիային պատգամավորական լիազորություններից զրկելու օգտին քվեարկել է 88 պատգամավոր: Խորհրդարանի խոսնակ Արչիլ Թալակվաձեի խոսքով, որոշումն ուժի մեջ է մտնում՝ ընդունման պահից:

Հիշեցնենք, որ Նիկա Մելիային պատգամավորական մանդատից զրկելու հարցը խորհրդարանն օրակարգում ներառեց այն բանից հետո, երբ Մելիայի նկատմամբ մեղադրական որոշում կայացվեց «Քարթու» բանկի սնանկացման գործով, մասնավորապես՝ պաշտոնական լիազորությունները չարաշահում: Նա տուգանվեց 25 հազար լարիով: Բացի այդ, որպես լրացուցիչ պատիժ, նա զրկված է պաշտոններ զբաղեցնելու իրավունքից 2 տարի 3 ամիս ժամկետով:

ԸՆԴՈՒՆՎԵՑ ՍՈՑԻԱԼԱԿԱՆ ՌԻ ՏՆՏԵՍԱԿԱՆ ԶԱՐԳԱՑՄԱՆ
ԱՌԱՋՆԱՅԵՐԹՈՒԹՅՈՒՆՆԵՐԸ ԿԱՐԳԱՎՈՐՈՂ ԲՅՈՒՋԵ

(Սկիզբը՝ 1-ին էջում)

տեսական եւ ենթակառուցային նախագծերի ֆինանսավորման ավելացում: Մասնավորապես, 2020 թվականի հունվարի 1-ից ավելացվում է կենսաթոշակային տարիքի անձանց տրվող գումարը, մինչեւ 18 տարեկան սահմանափակ հնարավորություններ ունեցող անձանց նպաստը: Երկրի ողջ տարածքով 100 լարիով ավելացվում է բժշկական շտաբօգնության անձնակազմի եւ գյուղի բժիշկների աշխատավարձը: Փախստականներին բնակարաններով ապահովելու ծրագրի իրականացման համար, հաջորդ տարվա բյուջեով նախատեսված է ծախսել 122 միլիոն լարի: Հավելվում 2019 թվականի ուսուցիչների աշխատավարձի, 2020 թվականի բյուջեում եւս նախատեսված է մանկավարժների աշխատավարձի 150 միլիոն լարիով ավելացման նախագիծ: Հաջորդ տարվա սեպտեմբերի 1-ից 100 լարիով կավելացվի մանկապարտեզների դաստիարակչուհիների աշխատավարձը: 2020 թվականի բյուջեում գումարներ են հատկացվում զինծառայողների, հրշեջների, փրկարարների, ոստիկանների եւ նրանց հավասարեցված անձանց աշխատավարձի ավելացման համար: Այդ նպատակով, բյուջեում հատկացված է 50 միլիոն լարի:

Պետբյուջեի նախագծում նշանակալի գումարներ են հատկացվել ենթակառուցային նախագծերի իրականացման համար: Այդ նպատակով, առանձնացվել է 3,7 միլիարդ լարի, ինչը նշանակալի գերազանցում է նախորդ տարվա ցուցանիշը: Այդ համազանցը թույլ է տալիս ծրագրել եւ 2020 թվականի համար իրականացնել ենթակառուցային նշանակալից նախագծեր:

2020 թվականի պետբյուջեի նախագծում 240 միլիոն լարի է հատկացվում փոքր եւ միջին գործարարության զարգացման

համար: Պետբյուջեի նախագծում անուշադրության չեն մատնվել նաեւ բարձրալեռ բնակավայրերը: Այդ երկրամասերի զարգացման համար բյուջեում հատկացվել է 350 միլիոն լարի:

Խորհրդարանի բյուջեի նախագծի ներկայացմանը Վրաստանի ֆինանսների նախարար Իվանե Մաճավարիանին նշեց, որ այն ուղղված է ոչ միայն սոցիալական, այլեւ տնտեսական ոլորտի զարգացմանը: Նախարարի հավաստմամբ, 2020 թվականի բյուջեն ծրագրված է 4,5 տոկոս տնտեսական աճի հաշվառմամբ, ինչպես նաեւ ՀՆԱ-ի 3,5 տոկոսի ավելացմամբ: Իվանե Մաճավարիանու խոսքով, 2020 թվականին ներքին համախառն արտադրանքը ծրագրված է 53,1 միլիարդ լարիի գումարով, իսկ դրանից մեկ շնչին բաժին ընկնող գումարը կազմելու է 4,8 հազար դոլար:

Ինչպես նշեց ֆինանսների նախարարը, տարածաշրջաններում իրականացվող նախագծերի ֆինանսավորման համար բյուջեում նախատեսված է 350 միլիոն լարի, կրթական ոլորտի ֆինանսավորումն ավելացվել է 30,5 միլիոնով, առողջապահության ոլորտինը՝ 16 միլիոնով եւ ներկայումս հասցվել է 4363,0 միլիոն լարիի:

Վրաստանի խորհրդարանի նախագահ Արչիլ Թալակվաձեն պատգամավորներին շնորհակալություն հայտնեց բյուջեի նախագծի հաստատման գործում կառուցողական մոտեցում ցուցաբերելու համար եւ հույս հայտնեց, որ հաստատված բյուջեն զգալի կնպաստի երկրի բնակչության բարեկեցության մակարդակի բարձրացմանը, բնակչության առեւ ծառացած հիմնախնդիրների կարգավորմանը, գլխավորապես՝ գործազրկության նվազեցմանը, նոր աշխատատեղերի ստեղծմանը, տնտեսական աճի ապահովմանը:

ՍԻՄՈՆ ԿԻԼԱՉԵ

Շաբաթից շաբաթ. Փաստեր եւ իրադարձություններ

ՀԱՂՈՐԴՈՒՄ ԵՆ «ՎՐԱՍՏԱՆԻ» ԵՎ ԼՐԱՏՎԱԿԱՆ ԳՈՐԾԱԿԱԼՈՒԹՅՈՒՆՆԵՐԻ ԹՂԹԱԿԻՑՆԵՐԸ

ՀԱՇՎԵՏՎՈՒԹՅՈՒՆ

ՄԱՅԱ ՃԵՒՏԻՇՎԻԼԻ. «2019-Ը ԱՆՆԱԽԱԴԵՊ ԷՐ ՃԱՆԱՊԱՐՅԱՅԻՆ ԵՆԹԱԿԱՌՈՒՅՑՆԵՐԻ ՏԵՍԱՆԿՅՈՒՆԻՑ»

Վրաստանի փոխվարչապետ, տարածաշրջանային զարգացման եւ ենթակառուցվածքների նախարար Մայա Ցիխիշվիլին, ճանապարհաշինարարների օրվա կապակցությամբ անցկացված միջոցառմանը, հանրագումարեց 2019 թվականին այդ ուղղությամբ իրականացված աշխատանքների արդյունքները:

Ինչպես նշեց նախարարը, այդ ոլորտում ավարտվել է հասցվել շուրջ 200 մախագիծ: Իրականացված աշխատանքների արդյունքում, ավարտվել է շուրջ 800 կմ երկարությամբ ճանապարհի վերանորոգումը, 300 կմ ճանապարհի մասնակի կարգավորումը: Կառուցվել է 140 կիլոմետր նոր ճանապարհ: Փոխվարչապետի

հավաստմամբ, նախորդ տարիների համեմատությամբ, 2019 թվականին իրականացվել են ռեկորդային թվով ենթակառուցվածքային նախագծեր, որոնց ընդհանուր արժեքը քառակի գերազանցում է նախորդ տարիների ցուցանիշը: Մայա Ցիխիշվիլու խոսքով, իրականացված նա-



խագծերի աշխատանքներում ներգրավված էր ավելի քան 10 հազար մարդ:

ԴԻՄԱԿԱՅՈՒԹՅԱՆ ԳՈՏԻ



ՉՆԱՅԱԾ ՄԻՋԱԶԳԱՅԻՆ ՀԱՆՐՈՒԹՅԱՆ ԲՈՂՈՔԻ, ՎԱԺԱ ԳԱՓՐԻՆԴԱՇՎԻԼԻՆ ՄՆՈՒՄ Է ԿԱԼԱՆՔԻ ՏԱԿ

Ինչպես արդեն հաղորդել ենք, շուրջ մեկ ամիս է, ինչ Ցիխիշվիլիի դե-ֆակտո իշխանությունները դիմակայության գոտում ձեռքարկվել եւ ապօրինաբար երկամսյա արգելափակում են սահմանել բժիշկ Վաժա Գափրինդաշվիլու վրա, ով դիմակայության գոտու հարակից տարածքի գյուղերում իրականացնում էր իր մասնագիտական պարտավորությունները:

Դեկտեմբերի 13-ին Ախալգորիում անցկացվեց Վաժա Գափրինդաշվիլու դատավարությունը, որը ուժի մեջ թողեց երկամսյա կալանքի որոշումը:

Հիշեցնենք, որ Ցիխիշվիլիի ինքնահռչակ իշխանության հայտարարությամբ, Վաժա Գափրինդաշվիլին մասնակցել է տարիներ առաջ այդ տարածքում տեղի ունեցած ռազմական դիմակայությանը՝ մոռանալով նշել, որ նա այդտեղ է գտնվել բժշ-

կի կարգավիճակով, հավասարապես բուժօգնություն ցուցաբերել երկու կողմերի զինծառայողներին:

Բժիշկ Վաժա Գափրինդաշվիլու ձեռքարկությունը բողոքի ալիք առաջացրեց ինչպես երկրի ներսում, այնպես էլ միջազգային համայնության շրջանում: Տեղի ունեցածը բողոքարկեցին բժիշկների համաշխարհային կազմակերպությունը, ԵԱՀԿ դիտորդական խորհուրդը, Միացյալ Նահանգների եւ Եվրամիության ղեկավարները:

ՊԱՇՏՈՆԱԹՈՂՈՒԹՅՈՒՆ

ՀՐԱԺԱՐԱԿԱՆ ՏՎԵՑ ԿԵՆՍԱԹՈՇԱԿԱՅԻՆ ԳՈՐԾԱԿԱԼՈՒԹՅԱՆ ՏՆՕՐԵՆԸ

Դեկտեմբերի 9-ին Կենսաթոշակային գործակալության տնօրեն Լեւան Սուրգուլաձեն պաշտոնաթողության մասին հայտարարությամբ դիմեց Վերստուգիչ հանձնաժողովին:

Նա համապատասխան հայտարարությամբ հանդես եկավ Կենսաթոշակային գործակալության գլխավոր գրասենյակում լրատվամիջոցների ներկայացուցիչների հետ հանդիպման ժամանակ:


- Գործակալությունում ամեն ինչ դասավորված է, եւ այն շարունակում է իրականացնել բարեփոխումները՝ կապված կուտակային կենսաթոշակային համա-

կարգին անցնելու հետ: Մեկ շաբաթ առաջ ես դիմեցի Վերստուգիչ հանձնաժողովին խնդրանքով. քանի որ Գործակալությունն արդեն նորմալ հունով է գործում, բոլոր գործընթացներն ընթացքի մեջ են, եւ կցանկանայի, եթե հնարավոր է, հունվարի 16-ից թողնել այդ պաշտոնը:

Վերստուգիչ հանձնաժողովը պետք է հաշվի առնի այս հայտարարությունը

եւ կայացնի որոշում: Իհարկե, եթե Վերստուգիչ հանձնաժողովը նպատակահարմար գտնի, որ ես պետք է որոշ ժամանակ մնամ իմ պաշտոնում, ապա դա խնդիր չի դառնա եւ, ելնելով բարեփոխման աննախադեպ նշանակությունից, ես համաձայն կլինեմ նրանց հետ,- ասաց Սուրգուլաձեն:

Լեւան Սուրգուլաձեն պաշտոնը թողնելու պատճառը համարում է, որ ինքն այլ ծրագրեր ունի, որոնց մասին հանրությունը կիմանա ավելի ուշ:



ՍԿՎՈՒՄ ԵՆ ՋՍԵՆԱՅԻՆ ԱՐՁԱԿՈՒՐՆԵՐԸ

Վրաստանի հանրային դպրոցներում ամանորյա արձակուրդները կմեկնարկեն դեկտեմբերի 30-ին եւ շարունակվելու են 2020թ. հունվարի 14-ը ներառյալ:

Թբիլիսիի մանկապարտեզներում արձակուրդը կսկսվի դեկտեմբերի 31-ին: Ուսումնական գործընթացը վերսկսվելու է հաջորդ տարվա հունվարի 15-ից:

ԼԵՎԱՆ ԽԱՐԱԲԱՉԵՆ՝ ՍԱՄՑԽԵ-ՋԱՎԱԽԵԹԻ ՈՍՏԻՎԱՆՈՒԹՅԱՆ ԴԵՊԱՐՏԱՄԵՆՏԻ ՊԵՏ

Վրաստանի ներքին գործերի նախարարի հրամանագրով, Լեւան Խարաբաձեն նշանակվել է Սամցխե-Ջավախեթիի ոստիկանության դեպարտամենտի պետ:




Այդ պաշտոնը թափուր էր մնացել նրանից հետո, երբ Ավթանդիլ Գալդաձան նշանակվել էր Սամեգրեթիի ոստիկանության պետ:

39-ամյա Լեւան Խարաբաձեն 2016-2018 թվականներին զբաղեցնում էր Թբիլիսիի Դիրբե-Չուղուրեթի եւ Վակե-Սաբուրթալոյի ոստիկանության պետի տեղակալի պաշտոնը: Ամուսնացած է, ունի երկու երեխա:

ԵՐԵՔ ՄԻԼԻԱՐԴ ԴՈԼԱՐ՝ ԶԲԱՍԱՇՐՋՈՒԹՅՈՒՆԻՑ

Զբոսաշրջության ազգային վարչության տեղեկությամբ, 2019 թվականի հունվար-նոյեմբերին Վրաստանը միջազգային ճանապարհորդներից ստացել է 3.051.424.548 դոլարի եկամուտ, որը 1,2տոկոսով ավելի է նախորդ տարվա նույն ցուցանիշից:

Վարչության տեղեկությամբ, 2019 թվականի նոյեմբերի դրությամբ, Վրաստանում զբոսաշրջիկներից ստացած եկամուտը կազմել է 201,734,437 դոլար (աճ՝ 5.6%), որը 10,6 մլն դոլարով ավել է նախորդ տարվա նույն ցուցանիշից:



ԵԿԱՄՈՒՏՆԵՐԻ ԾԱՌԱՅՈՒԹՅՈՒՆ

ՊԱՇՏՈՆԱԴԵՍ ՓԱԿԿԵՑ «ՎՐԱՍՏԱՆԻ ԿԻՆՈԼՈԳԻԱՅԻ ՄՊԱՍԱՐԿՄԱՆ ԱՐԴՅՈՒՆԱՎԵՏՈՒԹՅԱՆ ԵՎ ՈՐԱԿԻ ԲԱՐԵԼԱՎՄԱՆ» ՆԱԽԱԳԻԾԸ

Դեկտեմբերի 10-ին Վրաստանի ֆինանսների նախարարության եկամուտների ծառայության Թբիլիսիի ձեռակերպման տնտեսական գոտում կայացավ Չեխիայի զարգացման գործակալության (CDA) եւ Չեխիայի մաքսային գերատեսչության աջակցությամբ իրականացված «Վրաստանի կինոլոգիայի սպասարկման արդյունավետության եւ որակի բարելավման» նախագծի պաշտոնական փակման արարողությունը:

Եկամուտների ծառայության պետ Լեւան Կակավան հանդիպման մասնակիցներին դիմեց ողջույնի խոսքով եւ խոսեց Չեխիայի Հանրապետության հետ համագործակցության նշանակության մասին: Փակման արարողությանը ներկա էր նաեւ Վրաստանում Չեխիայի Հանրապետության արտակարգ եւ լիազոր դեսպանի տեղակալ Յուրի Պրեցկիլը: Միջոցառմանը վրաց եւ չեխ գործընկերները հանրագումարեցին երկամյա նախագծի իրականացման արդյունքները:

Միջոցառմանը Լեւան Կակավան իր գլխավորած գերատեսչության անունից արդյունավետ համագործակցության եւ սերտ աջակցության համար շնորհակալագրեր հանձնեց Վրաստանում Չեխիայի Հանրապետության դեսպանությանը եւ Չեխիայի զարգացման գործակալությանը:

- Ցանկանում եմ խորին շնորհակալություն հայտնել չեխ գործընկերներին ցուցաբերած աջակցության համար: Ակնհայտ է, որ բացի յուրահատուկ կոլեգիալ համագործակցության, նախագծի բոլոր մասնակիցների բարեկամական հարաբերությունների այն երկակի նշանակություն ունեւ, - հայտարարեց եկամուտների ծառայության պետը: Նրա խոսքով, մաքսային սպասարկումների ուղղությամբ ծրագրված են մի շարք նշանակալի բարեփոխումներ եւ կներդրվեն նորամուծություններ:

- Երջանիկ կլինեմ, եթե մեր չեխ գործընկերներից տեղեկանամ, որ Չեխիայի կառավարությունը պատրաստակամ է առավել եւս, որ ունենք եռակողմ հա-



մագործակցության բացառիկ փորձ,- ընդգծեց Լեւան Կակավան:

Վերոնշյալ նախագիծը եկամուտների ծառայության մաքսային դեպարտամենտում մեկնարկեց 2017 թվականին, երբ անցկացվեց մի շարք առանձին փուլերով: Նախագծի շրջանակներում, կինոլոգիայի ծառայությանը փոխանցվեցին ծառայական ինը շուն եւ տարբեր նշանակության հանդերձանք: Միաժամանակ, վրացերենով թարգմանվեց կինոլոգիայի ծավալուն ձեռնարկը, եւ վրաց երեք կինոլոգներ ուսումնական դասընթացներ անցան Չեխիայում:

ԲԱՑԱՐԱՅՏՎԵԼ Է ՀԱՐԿԱՅԻՆ ՕՐԵՆՍԴՐՈՒԹՅԱՆ ԽԱԽՏՄԱՆ 427 ԴԵՊԵ

Դեկտեմբերի 2-ից 8-ը ներառյալ, Վրաստանի ֆինանսների նախարարության եկամուտների ծառայության հարկային մոնիթորինգի դեպարտամենտի կողմից երկրի ողջ տարածքում անցկացված ստուգիչ միջոցառումների արդյունքում, բացահայտվել է հարկային օրենսդրության խախտման 427 դեպք:

Մասնավորապես, ֆինանսների նախարարության եկամուտների ծառայության հարկային մոնիթորինգի դեպարտամենտի աշխատակիցներն ստուգել են 4,652 հարկատուի: Ստուգման արդյունքում, բացահայտվել են հարկային օրենսդրության հետեւյալ խախտումները. առանց ապրանքաքրերի ապրանքների փոխադրման 124 փաստ, տնտեսական գործունեության իրականացման համար հարկատուի կողմից օրենսդրությամբ սահմանված կարգի խախտման 21 դեպք, կանխիկ գումարներով առքուվաճառքի ժամանակ գանձարկղային սարքի անտեսման 282 փաստ:

